

山  
左  
金  
石  
志

山左金石志卷第十三

兵部尚書都察院右都御史總督兩江兩廣等處地方兼管糧餉冊冊其經撫加三級畢沅  
內閣學士兼禮部郎中南書房行走 高麗使臣張新以余在政府前出使加三級既元

同撰

唐石

佛峪造象記

乾元二年三月立正誓崖高七寸五分廣四寸六分在歷

城縣東南佛峪

右題大唐乾元二年佛弟子遇緣為國王帝主大地苦衆  
生敬造阿彌佛一偈三月五日建四行字徑五分以第為  
弟以偈為軀皆別體

黃石公祠記

大歷八年七月立八分書篆額碑高五尺五寸濶二尺九

寸在東阿縣穀城山黃石公祠門外東墀下

濟州穀城黃石公祠記

額三行字徑二寸

黃石公祠記

布衣趙郡李卓撰

□□□□□□□□□□□□□□□□

以上一行篆書

秦滅六國遂并區宇張良哀韓之亡怒秦之暴義感

天地降神於圮神授良之書良爲帝之師滅秦報韓成功遂志

祠黃石於濟北穀城之山下蓋謂是矣世用其道傳祠此山惟

德之馨介福不替天寶歲夏六月旱旣太甚逼走羣望密雲卷

而復舒零雨濛而不降太守河東裴公聚黃髮而咨謀曰山川

神祇有不舉乎聞斯行諸夙夜展祭祀事未畢感而遂通自寅

及未澤潤千里吁其靈也夫聖括立瀆制君子脩理道莫不順

承

天則祇畏神明以天視無私神功不測或殛覆昏暴或孚右明德與時推移未始有極蓋將輔其善必聽於人昔夏之興也崇山降焉殷之興也峘山次焉周之興也岐山鳴焉漢興有岷橋之事

石之興有霍山之異今古不爽謂之神志聰明正直而弑者也惟秦政滅德用刑置人從欲冤痛在下馨香不登祚及二世毒流四海與天自絕惟神不獨有開必先祝降寶命故其書極空五天之際備興亡之端子房將有行也師焉而以言酌消息於盈虛通擬議於變化楚漢之勢功利相百

天威扶棄人謨叶贊觀燬而極深研機發八難銷六國之印招四人定重明之業以斷天下之疑以奪敵國之計正

乾坤之位發日月之光所謂被堅執銳其功狗也居守饋糧其

功人也運籌帷幄之中決勝千里之外其功神也此其大者豈徒効祉發祥於州里之間哉方今淳風允塞休徵存臻意者謂宜上聞有以旌異當學舊史敢記所知

碑陰

穀城下黃公祠實在濟之東阿

元宗季年濟陽廢而東平兼領之所稱河東裴公卽故郡守名序所題趙郡李卓卽今臺長棲筠頃歲馬公炫自郎官出牧少與臺長交契莫逆嘗勸雨於廟不覩所記適搜李文以勒貞石每歎曰所謂經國文章者其在茲乎未及畢而謝病言歸今二千石郭公岑尙德是務鍾成厥美句曹掾韋騰戎曹掾俞黃中郡之良也承命集事殿中侍御史高陽齊嵩聆而嘉之故紀云唐大曆八年七月十五日建

前試義王府倉曹參軍裴平書 此行篆書

右碑前題小篆書一行文二十行三十一字徑一寸二分  
碑陰文十二行行十五字末書人裴平銜名小篆書一行

碑側郭登庸過此題記八分書一行乃明人所題也 李北海

麓寺碑陰有郭登庸題字爲前明提學武虛谷金石續跋云記首行列題及

布衣趙郡李卓撰皆小篆文與碑陰書者爲一手也卓卽

棲筠傳稱世爲趙人此記亦云趙郡又棲筠族子華每稱

有王佐才士多慕向始居汲共城山下華固請舉進士俄

擢高第此記云布衣蓋其初服如是與傳可相證太守之

名百官志天寶元年改刺史曰太守是也族子華卽李華

見新唐書文藝列傳云字遐叔趙州贊皇人碑陰列書碑

者裴平見宰相世系表未著其官義王府倉曹參軍表畧

也傳稱李棲筠代宗時拜爲御史大夫碑陰立於大歷八年故以臺長目之而棲筠前名卓史失紀矣記稱頃歲馬公炫自郎官出牧少與臺長交契莫逆案炫乃馬燧之兄燧傳稱兄炫字弱翁少以儒學聞隱蘇門山不應辟召至德中李光弼鎮太原始署掌書記常參軍謀光弼器焉刑部郎中舊書奏授比部刑部郎中田神功帥宣武署節度判官授連潤二州刺史据碑謂自郎官出牧者蓋以刑部郎中爲郟州刺史而傳僅稱連潤二州非也炫隱蘇門山與棲筠始居共城山下地旣相比二人交契當在此時後有勾曹掾韋騰戎曹掾俞漢中勾曹戎曹百官志皆未載

桃源峪王大使等題名

大歷八年十月刻正書崖高三尺七寸廣三尺在泰安縣

桃源峪

右題大庠八年王大使因拜岳與韓補闕前建安口大守  
同遊張鍊師房道士卜口口記時十月十日日七行左讀  
字徑一寸五分其右有宋紹聖二年朝奉郎張邦茂等題  
名五行大書深刻連及於左唐蹟盡爲所掩茲從隙處尋  
繹得錄其文闕者僅三四字耳縣志載此刻作張鍊師題  
名云劉禹錫有送東嶽張鍊師詩卽其人也

文宣王廟新門記

大庠八年十二月立八分書篆額碑高四尺八寸廣二尺  
二寸在曲阜孔廟同文門

文宣王廟門記

額二行字徑二寸

文宣王廟新門記空三十朝散大夫檢校祠部員外郎兼侍御



史裴孝智空十前義王府倉曹參軍裴平下丹并篆額

六字

成域中之大歸天下之徑曰王二者應麻以宰物酌肯以觀化  
威聲雷霆號令風雨不嚴口理合自然之運不行家至契如神  
之速德叶協於幽明道徜徉於古始無爲無事其大矣口泊乎  
澆淳既變仁義斯起偃息庠序棲遲洙泗憲章萬物之首馳騁  
百王之末清頹波於口厲扇儒術於殷周故春秋作而賊亂懼  
風興剛而廉恥生弄韶護而忘慙之音息行揖讓口莊敬之心  
勸夫子聖者歟名與日月周流業與乾坤終始隱焉而光闇然  
而彰命服袞裳口代稱王曲阜聖人之鄉也先是闕宮霞敞正  
殿岑立綠以環堵邃其臺門巍若化造巖口口勤允所謂淹中  
之勝槩闕里之全模刺史孟公休鑿德潤尊師道肥希聖研精  
百氏尋口口言夜火非官曹之燭春桑絕附校之詠判官郡功

曹虛曠以文發身以清檢物博通□□□數四科惟此祠廟厥  
初層構朱戶半傾雕堊中落難名之閭輿造次可遊如在之□  
□□□易觀將何以克恭過位加敬反庭於是孟公首之盧公  
翊之因命縣大夫兼太□□□□裴公新其南門書時也公  
名有象育元含真廣學攻文始登甲科吏于舒三人□□□□  
□等吏于充三人悅服蓄可大之用爲致遠之資由是庀迺程  
具乃佞不斬仲□□□□□□山之石償以日而給功不時而  
就大屋橫亘雙扉洞開丹拱繚栴膠葛固□□□□□□景  
飛檐駢逼而棲霧扁鏞旣固享獻聿修官吏唯肅清之謹邑人  
無藝貢□□□□□□□席及階而升數似之牆由戶而入君  
子以非孟公之化不行非盧公之□□□□□□□不成三  
事叶同□虛于善孝智不敏儒家之流徒挹春秋舍菜之禮□

□□□□□□□□誌不泯之文俾刊永貞之石時大曆八年  
十二月一日也

碑側

朝議郎行令上柱國李子昂建

文林郎尉曹晉卿

文林郎守丞張隱琴 朝議郎行主簿姜崇晉

碑陰

兗海沂密等州節度觀察使兼御史大夫鄭漢璋咸通九年八  
月廿九日題

曲阜縣尉敬封度

貞元十五年孟春月廿三日題

鄆府東平縣尉郜來庭

右碑文二十行行三十五字徑七分下截尙有一字爲趺  
所掩難於施拓碑文裴孝智撰孝智見唐書宰相世系表  
官至都官郎中裴平書碑不曰書而曰下丹又題碑之一  
例也平工篆隸是年七月先書黃石公祠記文云判官郡  
功曹盧曠案郡功曹郡爲州異名當稱司空參軍事今碑  
稱功曹者兗州爲大都督府故別於他州稱功曹也判官  
則節度使有之蓋以都督府置員殿闕宮覆敞敞字錢辛  
楣少詹以爲蔽之省集韻蔽敞二字互相通碑陰有貞元  
十五年咸通九年題名嚮皆遺之碑側題縣令尉丞簿姓  
名亦裴平所書也

麟臺碑

元和五年十一月立正書在鉅野縣城東十里鋪東瑞麟

寺

麟臺碑銘并序唐元和五年翰林學士韋表微撰

夫聖人作然後王道明王道明然後瑞應至靈貺感通理合冥  
數昔殷道剝喪民罔攸歸於是文王以有位之聖嗣成湯之德  
神人咸乂故鳳鳴於岐洎周德凌遲道廢所屬由是仲尼以無  
位之聖述文武之法憲章聿修故麟見於魯於時王室無主禮  
法盡去天子之尊存乎位號魯周公之所封用四代之禮樂遺  
風故典鬱而未發仲尼以天縱之德生乎其中居周公之邦志  
文武之道觀廢興之運知作者在已位不得以庀生民權不得  
以司刑賞是天將喪斯民也而未喪斯文也迺綴絕緒申舊章  
變其禮文酌爲典憲擊五帝之龜鑑正三綱之軌轍帝王之道  
迷而復明盛德大業於是乎在天錫嘉瑞光昭厥功故周敬魯

哀不得而有也由此觀之蓋春秋爲王法之器魯國爲王法所寄在其所寄以舉其器鼓仁義爲舟航權褒貶爲篙楫乘橫流之波濟天下之溺上無列國之輔下無陪臣之助故道不信於天下而信於智者法不著於常時而著於後代向使仲尼有滕薛之士得三家之衆興我王澤帶及蒸民則麟出其郊得其所矣豈復厄於虞人哉故麟不見則孔聖之道不彰麟不死則周室之亂不極嗚呼聖人之生也得其時則化行乎江漢不得其時則道屈乎季孟靈瑞之出也得其時則名薦於郊廟不得其時則身罹於殘夫是以聖人能順時以濟人不能反時以自聖靈瑞能因時以感應不能反時以自靈被厄於陳蔡獲麟於鉅野影響之應其符著矣春秋傳曰有以告者曰有麇而角者孔子曰孰爲來哉孰爲來哉夫豈不知乎蓋殺之而不敢故示人

以疑之故也元和五年冬十一月表微以滑之從事使乎鄆陽  
停驂訪古得獲麟之舊壤且因後之人築臺於此以旌厥路感  
先聖之不遇悲麟出之非時徘徊道周題作銘曰

二儀既判 三象乃乖 聖道堙鬱 人心不開 上無文武

下有芝哀 吁嗟麟兮 孰為來哉 周雖不綱 孔實嗣聖

詩書載刑 禮樂大定 懲惡勸善 歸邪反正 吁嗟麟兮

克昭符命 聖與時合 化行位尊 苟或乖戾 身窮道存

於昭豐芭 栖遑孔門 吁嗟麟兮 孰知其昏 運極數沒

德至時否 楚國寢廣 秦封益侈 墻仞迫阨 崎嶇闕里

吁嗟麟兮 靡有攸止 世治則麟 世亂則腐 出非其時

麋鹿同羣 孔不自聖 麟不自神 吁嗟麟兮 夫復何云

此碑李鐵橋錄寄未詳尺寸文十六行字徑一寸案縣志

載獲麟古塚爲八景之一亦曰獲麟臺卽此也韋表微唐書有傳

賀羣殘碑

無年月正書石高一尺七寸廣一尺二寸在青州城東第二層門壁間

裴行源方回

儀郎薛華士

上柱國齊孝宏

裴行韋曾

部員外郎兼侍御史內供奉賜緋魚袋實羣

此行全泐

事兼青州刺史御史大夫上柱國韓國



州觀察處置押新羅渤海兩蕃等使金紫

右碑四周皆殘缺祇存諸官姓氏七行字徑一寸寶鞞一行尙全因以爲題案鞞見舊唐書列傳平盧薛平辟爲副使入朝拜侍御史憲宗紀元和十四年三月己丑以義成軍節度使薛平爲青州刺史充平盧軍節度淄青齊登萊等州觀察等使韓昌黎竇牟墓誌載鞞亦進士以御史佐淄青府注孫曰元和十四年三月以薛平爲平盧淄青節度使表鞞自副與舊唐書傳合然則鞞以佐幕至青在元和十四年矣攷押新羅渤海兩蕃等使名代宗紀大曆十年二月以平盧淄青節度觀察海運押新羅渤海兩蕃等使德宗紀興元元年淄青節度使承前帶陸海運押新羅渤海兩蕃等使宜令李納兼之據此題亦有押兩蕃之名

當亦以淄青節度兼之則於時為節度使者薛平也前列  
銜缺名意即其人與

靈巖寺功德龕佛座題字

長慶元年刻正書在長清縣靈巖寺

右唐人題字二段一題李澄口口王洲長慶元年四月八

日記之七行一題長脫一二年十二月八口魏龍寺僧神

祐義新法從表偉同來禮口神祐者內黃人也姓劉氏十

二行皆左讀又有宋天禧五年王遂等遊記十四行及太

安高祚伯元等題字一列并附識之

普照寺陀羅尼經幢

寶曆二年三月立正書石凡六面各高六尺廣六寸在濟

寧州城內普照寺

右幢州志所載六楞唐碑是也前數面經文皆磨滅惟一  
面首題大唐寶曆二年歲在丙午三月戊辰十五日壬午  
發心主□□□公孫超弟寬石木□上鐫□□尊勝下  
關又二面皆施主姓名

洪山石佛題字

大和七年十二月刻正書在嘉祥縣南廿餘里洪山石佛  
兩腋下

右題二行皆有大和七年十二月等字後云石匠筆記字  
蹟麓劣乃當時俗工所爲

青龍山佛座題字

大和八年刻正書碑高一尺四寸廣二尺在嘉祥縣青龍  
山石龍菴

右題大和八年匠者口口敬記正月廿二日二行又會昌  
二年四月廿四李友義題名二行又元慶元年三月十八  
日翟英俊題名一行攷歷代紀元並無元慶惟南宋有慶  
元非北地應有因與上二種連及故並附焉

劉夫人辛氏墓誌銘

大和九年十月立正書碑高一尺五寸五分廣一尺五寸  
在青州府城內鍾氏

唐故平盧軍節度押衙兼左廂兵馬使銀青光祿大夫雲麾將  
軍檢校國子祭酒兼御史中丞上柱國食邑二千五百戶劉公  
夫人隴西辛氏墓誌銘并序 文林郎試大理評事苑可長撰  
夫人辛氏隴西郡人也 父諱行儉 夫人卽府君長女也姊  
于彭城劉公公不幸早薨 夫人稟山嶽之粹靈受人倫之大

福博行而多聞發言而合禮素德全備淵慎威儀迨于姻親俯仰咸若挺霜操而馳其聲窠女功而發其譽 夫人六十有六以大和九年秋七月廿日而薨 夫人有子二人長子平盧節度衙前虞候雲麾將軍試殿中監上柱國克勤次子節度散口將克恭生女一人日引子等哀毀過禮杖而不起乃扶護靈柩當年冬十月七日祔葬於青州益都縣永固鄉廣固之里以先塋不利故別遷宅兆西據于口倚山印之崇秀東極于荒南眺青山北臨于郡仍書銘于墓內

白玉無瑕青松有節德儀咸備行偕先列弃口廿而歸天流芳華而不歇蒼茫野色雲悲鴻唳林口口兮悲風光娟娟兮夜月

右刻文十七行字徑五分虛其左幅內稱窠女功窠卽窠字義取於集衆力耳女一人日引日讀若粵古日日二字

不分長扁唐時猶然也

佛峪金剛會碑

開成二年四月立正書額八分書屋高二尺七寸廣一尺

九寸在歷城縣東佛峪

大唐金剛會碑

額四行字徑寸餘

石彌勒像讚并序

濟州歷城縣維那劉長清等八人爲中金剛經邑會之長  
曾同邑內信直者十數公俱禮南靈臺山禪大德僧口方爲出  
世之師師以大和六年受靈巖寺請命詣闕進本寺圖將謝  
聖旨再許起置鎮國般舟道場之鴻澤師行能二備慕止京  
畿首末三秋無疾而謝世維那劉公等痛惠炤絕照法鏡口光  
無明益昏大道荒塞乃率邑內諸人等家財同心奉爲沒故禪

法苑珠林卷第三  
大口建此彌勒像一軀侍菩薩兩軀於南靈臺山先師宴坐之  
地上蒼生前法誨之恩惠矣

口先身得授 佛記菩薩號問逸多今爲次口四天天中最滿  
無上妙解脫正眞理補處一口攝用歸於圓寂無數天人隨其  
六事行果聞見親疎近者薰其口種清淨至不退地遠者著快  
妙樂天福盡還墮迺五十六億萬歲滿降生閻浮當翅頭末城  
孕大妙梵婆羅門舍主生長少狀塵跡悟无常无我因寶臺  
起觀知了竟終空灰心滅智法證無生度能人正像末遺法白  
黑弟子口百八十二億數曰慈氏如來卽弥勒佛之本稱器界  
攢縮草木芬香環海口銷濤湧澄徹一時七寶人壽過仙迷浮  
覺休坤成金色有輪王出與号餽佉与口及嬌嬪等皆墮髮修  
空迷證道果鷄口山爲之峯裂迦葉波定盡捧釋氏口口授慈

氏竟化火而謝僧尼女男万万計俱發無上道意故今之刻像  
已想未來弥修口佛之良因冀入龍華之大會者也 訟曰

鍊行三祇劫 當來證法王 四維千万土 口口三毫光

下界牢籠固 天口歲月長 衆生淪溺苦 俟降竺乾方

開成二年歲次丁巳四月甲午朔

功德主及都維那邑人等一百一十人結金剛經會每會書經  
一卷每至正月十八日九月十五日設齋一中以表衆緣標於

此碑

院主僧行勤 功德主劉長清 都維那王昇朝 維那劉君

義 維那劉征岳 維那李士良 維那張敬宗 維那王士

義 維那李縉 維那張少林 僧元忠 僧廣濬 僧楚文

僧簡裕 僧居政 僧善住 僧思口 尼體幽 尼元珪



尼志堅 尼堅行 邑人憲秀誠 魏少府 榮日華 段

良察 張文遇 田清 王如忠 房惟晟 張友信 李輔

國 趙西華 張井用 王義成 嚴憲 張幹 高進玉

蓋文政 孫允 張頁 王士倩 段苾 李濬 魯憲朝

李清 榮法空 李榮 苑元瞻 高文素 趙惟義 郭達

高行口 李樂山 馮端 孫行素 吳士林 韓良季

王君祐 田欽晟 王士慶 王進義 尹懷珍 徐良祐

劉文會 霍沅 周忠信 侯君集 趙廣陽 張如雅 鄧

懷義 李万迪 丁少陽 朱與俊 吳進明 許良祐 梁

如泉 曹良裕 李惟寬 李文真 翟公信 李文慶 李

全義 劉湛 李重昌 侯重興 張廷玉 邢忠信 李玉

山 宋佇 李餘 陳公弁 高友成 楊再清 高文弼

郭上清 董月榮 史平豐 翟公信 趙孝恭 左裴柳

趙國進 朱寶山 郭明義 徐令芳 孫拜榮 崔口 高

慶 劉元甫 劉宗襲 劉元亮 仇智昇 劉惟義 劉惟

讓 劉惟和 劉惟會 劉惟忠 李公弁 段常省 曲文

宗 段良茂 段良義 杜達 女弟子等清淨海 蓮花感

功德性 素真 會香林 阿李 无亮恩 温和 阿鄧

佛果圓 妙智 清淨願 常歡喜 淨花林 圓滿 如

蓮花 九天花 心清淨 常自在 阿李 觀自在 阿張

阿潘 修德 真如藏 常觀察 界香林 崔從口 宋

佐元 殷王薩 王元濟 劉惟義 弟良恕 王口亮 張

殷政 宋良臣 王良秀 弟良祕 弟良允 燕林

右刻上列文三十一行下列年月姓氏二十九行字徑五

分縣志云題名有蹇秀誠其人杜詩濟南名士多自注時  
邑人蹇處士輩在坐或謂後人僞爲以此碑證之知當時  
固有蹇姓而公自注爲不屬也女弟子有曰淨花林常歡  
喜如蓮花等名頗新麗宋元已後北方女子罕以小名傳  
矣

### 樊忠義功德碑

開成三年三月立行書篆額碑陰正書在濟寧州魚臺縣

池頭集三官廟舊址

### 功德之碑

額四字徑寸餘兩旁列施主姓氏凡十七行

### 建功德碑銘并序

清河沙門玲幽文并書兼篆額

嗚夫造化厥初以渾元爲首乾坤纒著二儀始分爰有三皇降  
其間五帝居其次然乃麓連粟陸尊虞赫肯神農伏羲禹湯堯

舜周秦之後迄至 已來君王宰輔不可繁載備如傳

記者也唯有西域之教生於周昭王甲寅之歲來自乎漢明帝永平之年摩騰竺法蘭斯于此矣然則釋道儒門如鼎之三足若整湯救難易危成安莫過乎釋氏之教焉有志信上黨樊公先代楚有將軍燕有烈士公則是其緒囊也 曾祖及祖尊諱

不書並高尚不仕隱於里閭則榮宦貴祿勿干懷也考諱元信曾任武寧軍討擊副使雄名振古英畧貫時勳日羽以猿驚鸞月弓而雁落郡府捐其口軌轅門仰其規儀藝絕奇能莫可儔也嗣子樊忠義家本上黨來居魯邦巨產洪基里閭推最公量爲河海氣納乾坤幼而謙長而恭文武忠孝備于厥躬無口立三口口有榮期三樂不苟名宦遺跡邱藪時人望之不及也有子長曰德亮仲曰德安季曰德平並事父能竭力事君能盡忠

與朋友交言而有信公家務之暇暫爾靜思乃喟然長嘆曰余  
覽維摩經見是如芭蕉中無有堅又金剛經云一切有爲法如  
夢幻泡影吾今年侵蒲柳齒髮漸衰若不預造梯航將何越於苦海  
遂乃捨繖帛割餘資轉法華經一部七卷四十九遍已終持金  
剛一軸之經一萬之數云畢更以絹捨束素粟麥一車入脩常  
村佛殿工價又兩度施絹六疋臺山設三百僧齋大聖文殊遙  
加密護更施絲二百一十八兩將充贖香四州供養僧伽三綱  
飛泐廻報若不標記胡表素誠爰訪他山之異石遂立豐碑召  
素域之良工得班輸之奇士更造功德一鋪數有十軀家口部  
一十五人虔誠侍側且尊容和好豈口圓嚴菩薩神龍無不殊  
麗經文有聯環之字隨心識而鐫成佛前有宛卷之花從手下  
而鑿出建造在於私第成就遂至茹藍万代子孫永充供養此

寺之勢也東接太公之遺跡西隣古藏之州口南眺豐口北倚  
厥國且昔時堂殿尊像儼如今初瓊碑屹立于此所有功德先  
奉我 國家伏願

帝愿長明金輪永御 大吏常侍保佐 堯堦州縣山案寮鎮  
居祿位樊公先靈尊眷諦國受生現在一門保全慶吉仍恐日  
月驟改棗田幾變將刊貞石以紀口工銘曰 天地將分兮盤  
古生焉 燭氣爲地兮清風爲天 三皇降德兮五帝其間

周秦相禪兮唐祚聯綿 釋道儒教兮齊致 如鼎三足兮無  
偏 時主不易兮鄭重 樊公志信兮虔口轉金經兮數部

捨財物兮無邊 立不朽兮貞石 石斑爾兮彫鏤 建尊像兮  
儼若 合家稽首佛前 獲福壽兮此世他世 立碑記兮千  
年万年

碑陰

經文及姓氏四列皆不錄

時大唐開成三年歲次戊午三月己未朔廿九日丁亥建此碑  
工畢

右大字一行題於左邊

此碑朱朗齋自他處借錄未詳尺寸文二十三行行四十字文云西域之教生於周昭王甲寅之歲案釋典云周昭王二十四年天竺迦維衛國淨飯王妃摩耶氏夢天降金人遂有孕於四月八日太子生於右脇名悉達多年十九入檀特山修行證道至穆王三年明星出時成佛號世尊碑蓋本此文中西湯堯舜先後紊亂又以整溺為拯溺以緒囊為緒裔皆村俗不知文字體裁者所為殊可哂也

牟璠證明功德記

大中八年四月立正書石高一尺三寸五分廣七尺六寸  
在長清縣靈巖寺巢鶴巖下

修方山證明功德記

鄉貢進士牟璿撰

此山前面有石龕龕有石像從彌勒佛并待衛菩薩至神獸等  
計九軀案寺記云唐初有一童兒名善子十歲已下自相魏間  
來於此山捨身決求無上真正之理口啓首口四礼遂墮未及  
半虛五雲封之西去其音樂口口天風錯口畢寺緇白無不瞻  
聽乃鑿此山成龕立像旌之曰證明功德暨乎會昌五年毀去  
佛口天下大同凡有額寺五千餘所蘭若三萬餘所麗名僧尼  
廿六万七百餘人所奉駐除畧無遺子惟此龕佛像儼口微有  
董殘大中五年奉 旨許於舊蹤再啓精舍寺主僧從口聞  
於州縣起立此寺有杭州鹽官縣人僧子儒俗姓董氏不遠江



湖訪尋名跡至六年五月七日得度既果前□□□懇誠金采  
裝饒方山證明功德兼□□□神及師子各二隻□金彩色□  
功價□□□五十貫文施主二百餘人□□一鑄姓名□□左  
其山翁在寺之良直上可四里下思人□井以□處星端旁跡  
□滄溟有同蓬島□翁石□有泉不□來源從細竇泄□石盆  
□□□□□□而已玉液金漿莫得□其甘□□□香山□□  
質乎香□子儒公明山巒之□□□固敬石之像長牢冀賢劫  
盡而同盡自□□外胡可傾移哉

大唐大中八年四月八日鑄記

以上凡二十七行後刻施錢姓  
氏三十五行

寺主僧從惠大中五年奉

皇恩遠降許令□飾舊基先度僧□□主持□月廿八日經長  
清縣陳狀四月十三日□□□□□□□□來□六月廿日□□

度□□□□□□□□□□北臨聖□□是此  
等□□□□□□一景界夜至三更先見二僧一僧面西而立  
一僧面東而□□□□□□身□□□□□□□□□□  
□□先□□□集隨□而□□□□□□去來□□有五□四  
□□赤□大袖□衣頭上冠笄□執笏中有一女身□□□□  
□□□□□□頭□雙鬟手中執□□老□□去□□□□□□  
條□忽然不見明□□至齊州□□□此□祥瑞□□七月廿  
八日呈上

刺使劉將軍遂喚入見問其由八月一日得度九月一日入□  
□□□尙住會□□□度使□□□侍□□官□□□□□□  
□□□□□□□□□□□□上聞 明勅□□□□宜依□

大中八年四月廿日記 以上十六行在後段

右記書者鹿繼宗鐫者李可言姓氏與施錢人同列幾不能辨記文之左尙有題字五行磨裂難識皆不具錄又有宋元祐三年諸題名五段加刻於唐蹟之上致多殘缺也案新唐書武宗本紀會昌五年八月壬午大毀佛寺復僧尼爲民不言毀有額寺至五千餘所蘭若至三萬餘所復僧尼至廿六萬七百餘人皆史畧也大中五年奉旨許於舊蹤再啓精舍亦史所未及

孝堂山石柱題字五種

大中十年八月立正書在肥城縣孝堂山石室

一題口大中拾年八月十三日建次及水裏保村人建柱姓名凡三行字徑六分紀年以拾爲十唐時已然矣

一題水裏保村紉首龐氏等施柱題記後有歲次乙未五

月字凡三行字徑一寸五分

一題當村口宣德男天民助緣并特置牌額綽楔門二座  
二行下截尙有一行皆湯滅

一題左諫議大夫河南楊景略康功禮賓使太原口舜封  
長民奉使高麗恭謁祠下元豐六年三行字徑二寸案宋  
史高麗國王徽嗣立是爲文王元豐六年卒聞訃詔遣楊  
景略王舜封祭奠錢總宋球弔慰云云據此舜封上所關  
乃王字也史不書二人官闕藉此詳之祭奠與弔慰兩番  
奉使故無錢宋題名

一題大宋崇寧五年歲次丙戌七月庚寅朔初三日郭華  
自備重添此柱并壘外石牆二行字徑一寸

右題字五種皆江秬香錄寄未詳石柱方向尺寸案隴東

王感孝頌有柱識荆珉寂寥遺字之語是石室本有柱北  
齋猶及見之後來毀折至唐宋時先後重建也

康公夫人墓誌銘

大中十年十一月立正書石方廣一尺一寸在淄川縣

大唐康公夫人墓誌銘并序

公諱琳卿其先衛人也夫人清河傅氏其先清河人也公幼而  
有禮長而謙和脩身慎行與物無爭河圖天授之仁而不與之  
壽何不幸與以寶麻二年三月十四日因寢疾終于家享年卅  
有五其年遂遷窆于淄川縣万年之西北三里孝水之西原從  
吉地也 夫人令泚容毓宋子河鯉六禮貞吉享年六十有八  
以大中元年六月一日遭疾彌流遂終焉權殯于堂以大中十  
年十一月二十五日遂遷耐于塋地有子一人早亡有女三人

長適屈氏次適張氏而承其家焉幼適王氏皆撫孀誅良毀  
過情遂召良工刻石染翰乃爲銘曰

其一 寬宏德禮 謙和泝人 改過不怙 慎行修身

其二 夫人賢懷 孝敬邕睦 和柔四鄰 欽承九族

其三 盛德風猷 名芳不朽 貞石誌之 天長地久

右刻文十八行字徑五分碑銘每章之首題其一其二  
與他碑注於各章下者異亦一例也文中以弥流爲弥留  
通借字

臨邑施羅尼經幢

無年月正書凡五面石高五尺六寸每面廣六寸在臨邑

縣彌陀寺

右幢文已漫滅辨其存字全是施羅尼經文並無建幢年

月及施主姓名濟南府志載臨邑彌陀寺有唐人石幢咸  
通四年刻遂據之冠於咸通之前

張万迪等心經石幢

咸通五年七月立正書凡八面石高一尺六寸周廣二尺  
在滋陽縣牛鈞家

右幢已中斷首刻心經一卷後二面列功德主張万迪等  
姓名末有咸通五年七月十五日建立香臺壹所一行書  
法甚瘦勁黃小松影摹寄贈爲補錄之

龍興寺隋羅尼經幢

咸通六年四月立正書凡八面石高四尺二寸周廣四尺  
八寸在兗州龍興寺大殿後

右幢末二面刻記文首題維大唐咸通六年四月十八日

龍口口住法師鳳霄發願立佛頂尊勝陀羅尼幢壹所云  
云後列施主姓名餘六面皆經文每面之首尙有佛象一  
軀題名中有衙前兵馬使副兵馬使同正將討擊副使等  
銜

冉子徐侯墓碑

咸通六年口月立八分書碑高二尺三寸廣一尺六寸在  
聊城縣黃家海黃氏祠

口子徐侯墓

右一行居中字徑六寸

口爲冉子故里貞觀二年

下闕

七年贈 咸通六年口月裔孫具口

右二行字徑二寸在前題之左



案冉子之封徐侯始於開元二十七年此碑題徐侯乃追封以後所立也縣志載先賢冉子墓在城東三十五里并邨集後有唐貞觀題名碑卽指此刻殆未細審耳

蒲臺尉過訥墓誌銘

咸通六年十一月刻碑高一尺三寸廣一尺二寸在益都

縣西十里涉埠莊劉嶷家

大唐故過少府墓誌銘 并序

鄉貢五經京兆杜去疾述

公諱訥字含章澤州高平人也曾祖諱庭大父諱遷先考諱眞公志堅松竹氣稟山河踐□□□縱差顏閔之行十年閉戶命果從人以大中十二年明經擢第當守選時潛修拔萃虛窓弄筆研機自媿於雕蟲與奪在心可否詎由乎甲乙於咸通四年

授棧州蒲臺縣尉以博厚御物清白奉公執友同寮罔不仰止  
仕優則學前懇尙堅秩滿辭親方希再捷豈期神理何負殲我  
良人如可贖兮人百其命以咸通六年夏四月廿六日寢疾終  
於蒲臺縣之官舍口子春秋卅有九夫人清河張氏恨無男嗣  
幼女三人苦廬不施苴杖序位噫蓼莪永訣俱切痛天風悲總  
口月照空室熒熒在疚仰訴元穹聲聚秋雲淚滴成血乃讓遠  
日龜筮告從卽以其年冬十一月八日奉其裳惟歸窆於青州  
永固原就先塋禮也銘曰

惜乎勤懃兮罔不精研名宦俱就兮壽胡不延風悲雲變兮星  
賓逝川孀妻幼女兮號訴穹天遺命薄葬兮窆節從古勒石徵  
誌兮依土封塋永願明虛兮保寧幽宅不遐有害兮於萬斯年  
右刻文十六行字徑四分內言當守選時潛修拔萃唐書

選舉志試判三條謂之拔萃中者即授官是訥習此而不

獲故云與奪在心可否詎由乎甲乙正指當時不得志於

有司也及後秩滿欲希再捷竟未終願而沒矣李南淵文

藻云碑出土處近古廣固城宜稱廣固原而此與福勝院

幢皆作永固者或隋煬帝時改之耳文中帷字作惟

張珂尊勝經石幢

咸通十年立幢高三尺八寸面圍四尺五寸正書在青州

府司獄署外

佛頂尊勝陀羅尼經

并序

沙門繼遠書

日日沉迷勝利莫測求口者口口口口為上役者福利河沙况

乃棟良工瑩南山之奇石選釋氏書西國之梵口口効無處酬

恩今創造佛頂尊勝寶幢一所經教具明存歿獲益 張公乃

俗務之下不倦修崇禮樂之餘無口心香風佛舛夙願無不稱  
遂南北無虞合家平安永增福慶詞曰 善住之後次至張公  
今時修福還與昔同寶幢嗟峨口口寧口 功德主張珂妻龔  
氏 男鄭老 次男小鄭 外姑蘇氏 女重陽 咸通十年  
歲次丙戌四月八日建 造幢人邵文口

口利儀鳳元年從西國以至此土到五臺山次遂五體投地向  
山頂禮曰如來滅後衆聖口靈唯有大士文殊師利於此山中  
汲引口沙流沙故來敬謁伏乞大慈大悲普覆令見尊議言已  
悲泣雨淚向山頂禮禮已舉頭忽見一老人從山中出來遂作  
婆羅門語口跡沙漠地衆生多造惡業出家之輩亦多犯戒律  
唯有佛頂尊勝陀羅尼經能滅除惡業未知法師頗將此經來  
不僧口空來何益縱見文殊亦何必識師可却向西國取此經

來流傳漢土卽是遍奉皇聖廣利羣生極濟幽明報諸佛恩也  
師取口聞此語不勝喜躍遂裁悲淚至心頂禮舉頭之頃忽不  
見老人其僧驚愕倍更虔心繫念傾城迴還西國取佛口法典  
乃勅司賓典客令杜行口等共譯此經施僧絹叁十口其經本  
禁在內不出其僧悲泣奏曰貧道捐軀委命遠取經來口益而  
遂留翻得之經還僧梵本其僧得梵本將向西明寺訪得善梵  
語漢僧順貞奏共翻譯帝隨其請僧遂對諸口於代小小語有  
不同者幸勿怪焉至垂拱三年定覺寺寺主僧志靜因停在神  
都魏國東寺親見日昭三藏法師問其逗遛口梵旨一無差失  
仍更取舊翻本勘校所有脫錯悉皆改定其咒注云最後別翻  
者是也其咒句稍異於杜令所翻者其新咒口口注師問其逗  
遛亦如前說其翻經僧順貞見在住西明寺此經救拔幽顯宸

不可思議恐學者不知故具錄委曲以傳夫悟

右幢朱朗齋自他處借錄幢記經序凡十五行每行之末  
尙有闕字其後經文三十六行不具錄李南澗云是碑首  
爲建幢序其下儀鳳元年云云則尊勝經之序而經又刻  
其後顛末俱不完所存尙二千餘字錢辛楣少詹云唐刻  
尊勝陀羅尼經多不著年月及書者姓名是碑皆有之爲  
可珍也

新修曲阜縣文宣王廟記

咸通十一年三月立并額及側俱正書碑高四尺五寸廣  
二尺三寸厚七寸在曲阜孔廟同文門

新修廟記

橫列四字徑三寸二分

新修曲阜縣

空一

文宣王廟記

空三

攝鄆曹漢等州館驛巡官

鄉貢進士賈防撰

皇帝御寓之十年歲在己丑

空三字

夫子三十九代孫魯國公節

鎮汶陽之三載秋霜共凜冬日均和里閭無桴鼓之聲耆艾有

空三字

自而怙悵乃謂僚佐曰伊子

聖祖寔攝儒宗英靈始謝於衰周德教方隆於大漢爰因舊宅  
是構 靈祠粵自 國朝屢加崇飾文檜繡楹雖留藻繪之

功日往月來頗有傾摧之勢故老動淒涼之思諸生興嗟嘆之

音今忝鎮東平幸邇鄉里雖無由展敬而敢忘修營既而飛章

上陳請以私俸葺飾由是命工庀事飾舊加新浹旬之間其功

乃就門連歸德先分數仞之形殿接靈光重見獨存之狀 辟

容口若更表温恭列侍儼然如將請益丹楹對聳還疑夢奠之

時素壁口標宛是藏書之後槐影疎而市晚杏枝暗而垣孤不  
 假大夫幽蘭自滿無煩太守刺草全除稷門之舊業俄興闕里  
 之清風再起既可以傳芳萬古亦可以作範一時且開闢以來  
 霸王之道言其德也莫踰於湯武語其功也無尙於桓文墳土  
 未乾而邱壠已平子孫縱存而蒸嘗悉絕空三字夫子無尺寸之  
 地微一旅之衆修仁義者取爲規矩肆強梁者莫不欽崇生有  
 厄於棲遲歿居尊於南面而樵蘇莫採廟貌長存道德相承簪  
 裾不絕則空三字夫子之道既可章於積善 魯公之德寔無  
 愧於聿修防目覩 靈蹤躬尋空一字 盛績仰 聖姿而如在  
 歎 休烈而難名承 命紀功讓不獲已刻諸真石深愧菲  
 才謹記

請修兗州曲阜縣文宣王廟



右鄆曹濮等州觀察使孔溫裕奏伏以禮樂儒學教化根本百  
王取則千古傳風國朝宏闡文明遵尚祀典不違古制大振皇  
猷今曲阜縣乃魯國故都文宣廟卽素王舊宅興儒之地孕聖  
之邦所宜廟宇精嚴禮物具舉近者以兗州頻年災歉都廢修  
營徒瞻數仞之牆纔識兩楹之位雖春秋無闕於釋奠而揖讓  
頗紊於彝章遂使金石之音靡聞於盼饗俎豆之設嘗列於荒  
蕪聖域儒門豈宜堙墜臣忝爲遠裔叨領重藩咫尺家鄉拘限  
戎鎮望闕里而無由展敬瞻廟良而有願興功臣今差人賞持  
料錢就兗州據廟宇傾毀處悉令修葺皆自支費不擾州縣所  
口獲遂幽懇克申私誠伏緣兗州非臣本界須有申奏伏乞  
字  
天恩允臣所請無任悃迫屏營之至謹具如前

中書門下

空三

牒鄆曹濮觀察使

牒奉

字三

勅鄒魯故鄉俎豆遺教文武之道未墜於地溫裕雖

持戎律宛有家風屬兵車之方殷飾邱門以宏教堵新數仍廟

設兩楹盡出私財不煩公用綽有餘裕益見器能已賜詔嘉獎

餘宜依仍付所司牒至准

勅故牒

咸通十年九月廿八日牒

咸通十一年三月十日建

碑側

咸通十年九月十四日鄆州勾當重修廟院同散將畢并建

四十六代孫宗亮

舊名

宗翰俱策進士第嘗與謁祖聖謹志共

時皇祐五年六月日宗翰題

右碑文二十七行行四十三字第廿二行又高一字徑七

分側唐宋題名三行案孔溫裕奏請修廟事在咸通十年九月廿八日勅牒准行至十一年三月始建此碑兩側先有咸通十年九月畢芬題名何邪溫裕附舊唐書父戮傳位京兆天平軍節度使又見孔紆墓誌載父溫裕節制天平軍徵拜司戎貳卿今碑述溫裕自云忝鎮東平唐書地理志鄆州貞元四年曰東平大和四年曰天平史就現名書之徵其實碑以舊名書之存其跡義皆可通也碑側四十六代孫宗亮宗翰題名宗翰乃道輔之次子宋史附道輔傳但云登進士第以此碑攷之當是皇祐五年也

朱常慶等隨羅尼經幢

咸通十一年十月立正書幢高五尺八寸凡八面每面濁七寸五分在兗州府龍興寺塔右

佛頂尊勝陀羅尼經序 經文不錄

尊勝陀羅尼幢讚并序

最勝殊妙甘露行門佛祕密心大慈持印入三昧之樞轄會萬  
法之要機陀羅尼之微旨也佛頂尊勝者佛隨波利自天竺以  
來傳誓賭文殊入清涼而不返因流梵唱大布寰中其有豎幢  
刹於四衢飾芳聲於百寶塵霏影觸罪口銷泮於朝陽心誦目  
口福海潛盈於夜注清信士朱常慶等卅餘人並英髦間代禮  
樂超倫家流敬誠門光善瑞從居浮幼不染囂塵雖服儒冠口  
口戒共輸金口合建洪因立貞石以刊真文樹良口而雕相  
好追琢將就爰命紀時乃爲讚曰

佛頂章句 微妙難名 梯航萬彙 福利羣生 雕鏤翠炎

聳立于庭 霑風度影 垢滅塵輕 琢玉字以光煥 鎮

寶彩以晶焚 期劫石而將朽 斯巨祉而無口 院主僧口

右幢文七面凡五十六行字徑五分末一面上刻序讚八  
行下刻年月及施主姓名七行序稱樹良王而雕相好是  
幢間尙有佛像也

高憲神道功德碑

咸通十二年八月立在濟寧州晉陽山下張家村

維唐咸通十二年歲次辛卯八月乙亥朔十六日庚寅 渤

海郡孤子高憲建神道功德碑記

夫圓清上廓方濁下凝幽源叵究邃理難窮天長地久用之不  
勤矣則有志孝高公者渤海人也承子口之後循者乎有典有  
則貽厥子孫祖代綿遠貫於任邑者口曾口諱匡祖諱昇考諱

騰云公貞信廉讓□□克柔幼尙孝悌文武俱全長而慕道不  
及□□門傳□善家贍三乘常嗟有漏之軀□□□□之果思  
昊天之恩極感劬勞之難報□□□□心易摧樹□靜而風難止伏  
恐阿毗□□□□□苦海難登於彼岸以助幽冥匪福□□□  
□□□鹿苑志慕蓮宮卽見當村古院□□□□露光容遂  
乃發心修飾募像建崇梵□□□□心無捨晝夜裨補裝藏功  
護畢矣遂卽□□□其美石在醜以訪良工雕琢磨礪刻之□  
□□龕一佛二菩薩阿難加葉裝嚴皓相多□□□□□□  
願三代先亡俱生淨域見□□□□□□□於吉慶使觀相  
分 佛教彰呈同□□□□□無滅乃爲頌曰

造化陶甄 後植衆軀□生生死□万品一途儼考其若容

漢考冰將釋 使萬古兮歸心 惟千秋兮躡迹 歎苦海之

無邊 藉法舟而拯溺瞻隙車之易狂 望祀帖而難陟 心  
不悟兮恒沙感緣覺兮瞬息

右碑朱朗齋自友人處借錄未詳尺寸碑首兩邊刻上爲  
皇帝上爲皇后正書二行與晉陽府君碑同下刻畫象左  
右列姓氏凡正書廿四行此下卽系年月碑記頌文行書  
二十五行末維那及撰人鄉貢進士口宏仁姓名二行碑  
中別體字甚多亦當時習尙使然也

贈左散騎常侍韓國昌神道碑

咸通十三年三月立正書碑高一丈一尺三寸廣五尺六  
寸在莘縣西南十五里俎家店

唐贈左散騎常侍汝南韓公神道碑

朝口口常口口口口御史內供奉口口口口口撰口口口

巡官將仕郎守魏州魏縣令史玘書并篆額

長河北涓太行東隅粵有奧壤厥為□魏其中土宜□□□□

□□□□珍尤於焉□□加以□□□□俗□□淡□子□仁

義夫節婦觸類可觀比屋可封地勢之然物理斯在是以代有

良將軍稱義兵控北虜之咽喉扼南燕□□□歲月□□□□

□□□於命帥臨戎非賢則德□□□□□□□別□□必

起於□□昔廬江公承襲一方子孫三世逮及衰季如墮弓裘

四人切溺苦之育六郡痛舉靡之患下闕同心空五英雄奇遇

類然空五我公□仁□□者之譽德負不孤之聞語其力則五

丁比肩較其藝則三傑齊價秉磊落大度挺昂藏偉材下闕表

空七魏博□□魏人□□□□空九宸衷慰悅軺使磨至閭務

克諧金貂之峻秩負來烏府之崇資迭至□□朞月爰登下闕



敷下闕三台九重空五□□承空三制空三詔□弥□遙馳

空四字 冈極之誠驟冀空三追崇之寵

天子乃嘉其大空三字 錫以珥貂□□思式贊幽空五字 公

既獲空三字 命□□□乃□□□以斯□刊之貞石無以

空三字 高門之業無以傳曠古之名因授以賓徒俾詳其事系

□□□唯序曰空三字 公諱國昌□□□□人也其先□周下

是武□之土也其後苗裔事晉得姓於韓故曰韓武子武子世

本云生萬萬生脉□脉□生伯簡伯簡生子與子與獻□□□

□□□有韓厥從□□韓氏厥□景公□□□□□□□

將作亂□靈公之賊趙盾道已死矣欲誅其子趙朔韓厥止之

告賈賈不聽厥告趙朔朔曰子必能不□□□□恨□□□

□賈言趙厥稱疾不出下闕其後多以果敢繼代春秋不書至

於秦晉會盟楚漢襲服綽有勳烈華然功庸迄于下闕不絕流

派空五公為口魏下闕一鄉之宗口空七曾祖口魏博節度押

衙空八祖朝魏博節度押衙兼臨清鎮遏都知兵馬使檢校口

子祭酒兼侍御史空五烈考口魏博節度押衙口口口都知

兵馬使檢校國子祭酒兼御史中丞空五公之為人也天假樹

忠神符抗節好謀而斷知機而明約口有常敏行無玷以孝悌

成其性以文武口其才少即下闕孫吳術讀黃石書指力爭為

不口口氣吞為細事常慕緝衣決勝坐籌出奇軍中少年靡不

取則口口口口口難口口舉空五公乃下闕自偏下闕韜鈴譚

口口口口口不口拔赤幟以展中繫長頸而仁來空五國家乃

行賞疇庸論功載筆口口口口口是時口溢懋績充塞空十

口口口口口空五口軍口口口口口帛有口藩翰可口芳訊

系臨空九字 密詔垂下空五字 公□□□癖優游素□□料敵摧

堅不廢吟風嘯月執兵首□□慈父母之□□人□□□□

□□難棄今若□□空三字 天統必□乞骸後時願訖陪臣不越

吾□遂脫輻謝病挂冠養高縉紳有聞物論稱□尋已牽復舊

位脫屣空三字 □畿鑿□□於□□□空五字 □□□□其孰能

宗歟空五字 公始及中年已分劇職入奉訓齊之令出揚整肅之

權推公而直若朱繩行已而平如止水言不好弄服不好華卷

舒自得於□□□□形於□色□□□□胥移紫髯□

寇於羣公青眼靡遺於衆卒靄若問望誼然令圖至若輿□□

□國器空五字 公非獨王事有作復乃閨門立程稜稜而庭訓惟

嚴察察而□□尤峻□□之以下闕詩書論雍容□禾□□示

□隱掩目之禮馳騁田獵雜服詭詞趣若仇□□如螿□□又

節用車服輕財典墳資閭市之王充口傭書之口汗點竄下闕

席鱗次則有肉口口家為口口主管窺無與善之情心笑有越行

之謂肩鼠指背睚盱縱口口字空五公乃率尔獻酬怡然引論夫文

者祖述萬物憲章百王下闕之士口肇建寰宇廓闡經史罔不

沿襲厥宗恢宏是理成三皇五帝之教振周公孔子之文口口

流通百氏津潤俾君臣父子之道歷祀無差陰陽寒暑之期口

時不忒下闕發口蹄口錄口口口口吼龍虎矛楯山立旌旗血

融言其壯則扛鼎拔山顧其勇則滌河送日七十城而應鏑下

四十万而乘時坑此乃口口之下闕為口口心運其力若以瞻雲

望氣一否一臧辨成敗之機宜鑒吉凶之口口口則武非文而

不備文非武而口揚實共濟而相須豈殊途而別派下闕之行

口口口纒歷名業口弓劍者也愚之身口為不肖孜孜以未墜

之道力口命子者其庶幾乎口者乃施施絕詞唯唯而退今空九

字僕射果自口口口口德口口口口空八公昔之口習非偶然

哉

武宗泣祚口口口口拒命空四口討薦加空五公嘗從廬江令

公肥口口口廬江下闕以口口統眾口口係將累日空四公度

其軍勢相以人心雖机上之可期在下闕謂廬江公曰魏師以

久不振旅時無悍心矧乃口竟匪遙下闕其必州延口口口口

悅豫其情則前駟不踵空五公請審其向背妙下闕之心敦三

令口口之道在爪牙者却駢羅於後如市人者却分列於前奔

北者下闕中其和口自然表裏相應竟猛得中故可以繫時必

偃其干戈翹下闕江乃悉納良策儻成大功振山東壯武之聲

擅日下勤王之効莫不由此言無口歟空七公口時初心不求

朝拜藩府所獎符竹爲先遂遷攝貝州刺史兼本下關奏御史

中丞空五字公既解戎韜俄從郡政三尺之綱條不紊四知之口

口惟專瘡痍口口口口肯勞逸口均於口庶况郡乃版圖名族

隅落寢戎撫綏絕時紉之嗟口口口口之舉雖黃霸口教奠

遂立誠求之北方孰以優劣空五字公忽爾自口口口口從軍下

關瘡之積竊資忠履信之名稼穡少知艱危歷試不冒榮於好

爵不口口口殊勞避授鉞於他邦止建侯於我土今齒髮云邁

乘榆足悲胡可尙存口而勞口未口口而口志口者口口爲口

口夜行不息罪人也吾何爲哉遂乃命納軾旗終黃林野文言

口知進退存亡而不口口口口其唯聖人乎以大中六年七月

十二日寢疾薨于魏州元城縣德口里之私第享年六十有六

以大中八年二月二十五日殯于富州莘縣修善鄉依仁里至

咸通二年六月□□□左散騎常侍夫人清河張氏同時月  
 日贈清河郡太君有子三人長曰君雄魏博節度觀察□□等  
 使檢校尚書右僕射兼御史大夫仲曰靖魏博節度押衙兼步  
 從□檢校太子賓客兼□御史季曰楚魏博節度押衙兼刀斧  
 將檢校太子賓客兼監察御史噫字九公以德合陰陽慶延子  
 孫世居封贈之尊肩極人臣之貴建碑道左顯□□途不律垂  
 詞□阿載德□□為銘銘曰

□□聖朝烈烈文明仁以配天德以延英社稷□人將帥金精  
 □□□□□□□厥賦以上厥土唯良尤物既產賢臣復彰  
 游藝不羣挺□難當優以六韜峻以五常孤□不□忠孝為□  
 少□□□□節□□扼腕可斷遊膽可嘗此龍屈盤鵬鵠翺翔  
 平寂計高伐叛名揚逆籌□帳決勝砂場功業有□朝廷議勳

□以□□□□親軍辭以□爵國以藩身得祿我土保祀我禮  
貊貅舊統畏愛無垠符竹嘗剖惠愛猶存訓子立行□極人臣  
□□□□帝□爰臻錫以峻秩飾以王綸哀榮令媿激勵恩器  
□崇既尊典禮斯陳昭彼懿靡勒茲貞□□□增下闕祖□□  
贈工部尚書祖妣張氏贈清河郡太君考贈左散騎常侍改贈  
兵部尚書妣贈清河郡太君張氏改贈涼國太夫人並奉咸通  
十三年七月十五日恩制 咸通十三年壬辰歲三月廿八日  
建

右碑凡四十三行行七十二字徑一寸文字殘滅過多前  
半有因授以賓從俾詳其事□□□□哇序曰公諱國昌  
云云哇爲撰文者名而氏不可見矣案舊唐書韓允忠傳  
父國昌歷本州右職會昌中從何宏敬破劉稹以功爲貝



州刺史兼御史中丞此碑言拒命謂劉稹也廬江公卽指  
宏敬也證之新唐書何進滔傳子重順賜名宏敬帝討劉  
稹加東面招討使宏敬倚稹相脣齒無深入意又天子慮  
稹起山東兵命宏敬倚角塞其道不奉詔及假道收磁州  
宏敬懼乃進戰拔平恩是國昌從破劉稹當於拔平恩時  
矣宏敬與稹相黨而碑載國昌審其向背廬江公心納良  
策則國昌之委曲效順俾宏敬不陷不義者其功爲鉅碑  
又言俄從郡政寇戎撫綏絕時紉之嗟雖黃霸口教龔遂  
立誠求之比方孰以優劣又命納軾旗終責林野蓋能惠  
綏一方而不怙寵以終當唐之末世如是知保身名者亦  
已鮮哉後言以大中八年殞於魏州莘縣修善鄉依仁里  
至咸通二年六月云云乃其贈官之日也子三人長曰君

雄□□節度□□□□等使檢校尙書右僕射兼御史大夫仲曰靖魏博節度押衙兼步從□□校太子賓客兼□御史季曰楚魏博節度押衙兼刀斧將檢校太子賓客兼監察御史國昌三子君雄據有爵土而兩弟如靖與楚亦宜附名是史文畧也後另行祖□□□工部尙書考贈左散騎常侍改贈兵部尙書並奉咸通十三年七月十五日恩制君雄等建碑所書此稱考者指國昌也改贈兵部尙書與傳稱國昌以允忠故累贈兵部尙書合碑又有壬辰歲三月廿八日建壬辰爲咸通十三年也其十五年所奉恩制當是續刻莘縣在唐時屬魏州卽今之大名府也

來佐本墓誌銘

咸通十四年立正書石方廣九寸厚二寸五分在滋陽縣

唐故南陽郡來府君夫人誌石壘合 篆蓋四行徑一寸

故來府君及夫人常氏次夫人郭氏墓銘 并序

府君諱佐本南陽人也君平生志操性本謙恭豈謂穹蒼降藥  
忽遘私疾俄終厥壽權措故里早分今古夫人郭氏年及總笄  
□□禮適來氏則母儀貞□□□無虧享年春秋七十有二終  
於宛州來君有子名□慶男女等灰心毀容泣血匍匐乃墨兆  
元龜露著靈筮自□□扶護故府君及夫人來就合附以咸通  
十四年歲在癸巳□月廿九日於宛州瑕邱縣普樂鄉臨泗城  
陰村郡城東北六里平原禮葬於慶痛見孤墳窸窸松吹蕭蕭  
又恐陵谷遷移遠日有變乃命功刻石爲銘 銘曰  
穹蒼蒼天日月高懸□照六合不照下泉擗踊哭泣

下闕

橫側 凡五行字徑三分末二行讚語已泐

□慶長□王氏□□□年歲深久難作□爲泣血共請□□  
□□□□建成之月有十七日□後西北張文莒地建□□  
□□勢也後作讚曰

右側

來君并有孫男二人長曰行全次曰玉□女十二娘適房□□  
并有外孫七哥凡三百七十四□

右刻文十二行字徑四分題稱來府君及夫人常氏次夫  
人郭氏墓銘誌中惟敘郭氏事蹟無一語及常者殆其子  
□慶爲郭所出也橫側有敘有讚文多漫滅右側列孫男  
女外孫等名

贈太尉韓允忠神道碑

乾符二年二月立正書碑高一丈六寸廣五尺八寸在華

縣丞家店

天高地厚覆載之道成君聖臣賢教化之功普空三帝唐以文

德走殊俗以武經濟諸夏許謨下張之全才兼將相之重位藝

通神化氣肅風雷建曠代之勳庸為一時之標表者則空三魏

師丞相韓公其為人下藹食菜於韓因以定氏在春秋時有韓

厥事晉獻公能全趙氏之孤不忝上卿之位左氏書之在羸秦

時有韓仰為太傅下一朝信生賈當封弓高侯在東漢時有韓

稜為尚書令清名直節獨立不黨在東晉時有韓康伯幼口聰

悟早遇殷浩見知長負下皇室下無人是知源深則派長根大

則枝茂蟬聯冠冕世享厥位空三曾王父朝皇魏博臨清鎮都

知兵馬使口度奇表嶷然口殊不器之下雲下夫檢校太子賓

客使持節相州諸軍事守相州刺史充本州防禦使御史中丞

早習鈴經通知政術桓石虔名能斷口許仲口力可口蔣尋口

軍闕下相州府闕以空三字公迫孝贈工部尚書空三祖妣張氏追

封清河郡太君字空三皇孝口銀青光祿大夫檢校國子祭酒使

持節口州口軍事守口州刺口口口防禦使闕下質勁百鍊闕

克肖門風飛一箭以下城殼虛弓而墜烏洞曉邊事不後郭公

文好讀兵書寧慚馮奉世初從將慕遂拜魚符頒六條以口口

城駕口車而口口口行足以軌物口厲足以範人位不闕

公貴累贈闕部尚書空三妣張氏追封涼國太夫人空三

公則貝州府君之元子也才惟命世生實為時天縱多能人推

懿範孔子聖者似口能闕下公學窮三豕箭闕以自強蓄鋒鏃而

不闕下終軍童子便請長纓李牧少年樂從絕塞始辭外傳遂列

和門竭力奉公所至必理蔣琬占夢之日已定封公謝安未仕

之辰終期作相承□□□邦□之餘祉□空三文明之□代關下

德關下壯圖關下乎武幕位崇連營任顯入軍旅必以謀畧資其長

行鄉黨必以教義諭其幼諸葛亮有管仲之器趙真卿多白起

之風立於尉庭不雜流輩□□□行太尉范□公愛空三公堂

堂之關下聞謂空三公曰關下韓與何本同族氏我欲投忘年之分

申一姓之驩可乎空三公再拜牢讓不從其意謙之至也空三

武宗四年潞師死其子積□□一方積□□□長□□□□□

□空三天子赫關下廟堂陳帷幄亟下空三詔書大徵師旅不□

而戈鋌四合浹旬而貌武爭先歲序俄周壘障未下蓋以前據

壘關之固後倚太行之險空三王師關下士庶□夷於鋒關下防密

關下塹鴟鷺雜金鼓之聲雲物慘山川之色徒物其怒且無所施

乃召者將計事皆曰衆寡不敵利病相懸空三公獨憤勇出羣

請借前籌下作虛西境下照大口下有下方地居屏捍當關外

之寄分字天子之憂苟或不能整一旅之師問滔天之罪是

倒持而授柄焉可恣其暴耶遂請字楚公上表口師躬行字

天伐字楚公持重下公又曰雖下眾兵家所慎而杖順討

逆神道必從况身不觸邪與羊無別較然之理又何疑哉字

楚公雖聽機謀尙懷猶豫口御史中丞李公口乘口

口銜字命宜下西鄉下思始議伐叛顧謂字公曰前日之

言若合符契非字公智識精遠孰能懸解字天意乎由是

練日選口出口公素甫廣順下陣孤虛傳宏之氣冠三

軍公孫瓚聲聞百步奮身於行伍之眾泣指於義勇之徒且曰

帝命不可替隣寇不可玩口慮事今下戈口山立口

口雲屯口霧忽下壘先驚字公不顧危亡親承矢石介冑蟻



貳手足胼胝趙充淋名動寰區共推烈士張文遠身先士卒果

立殊功口威無口口之口戰陳忘口口之口口朝渡一口口

壘於口口夕起長風口浪闕下將席闕下山頽或倒戟自殘或與屍

請命然後化狼顧鴟張之輩為鳳儀麟趾之祥蕩穢滌瑕冰消

燼滅捷書西上空三褒詔東來闕下公上報空三明主次闕下旋獲

下壯志嗚呼空三楚國公用空三公籌略卒建大功空三天子

酬勞就加外相空三御史中丞李公復因空三楚公之闕下寵光

亦拜台口唯空三公止換憲秩稍遷闕下有闕下突徙薪之歎而我

無矜功利己之心坦然胷襟益見夷曠空三公挹江海之偉量

挺倜儻之奇姿文次騫智敵万口顧彥口名齊闕下下口口空三

問望藉藉動入視聽闕下廬江公紀綱失守時空五今上在東宮

為普王卽空三宣詔遙領魏博節度使授空三公銀青光祿大

夫檢校口常下節度觀察口空三口慰諭下道路空三公

瞻天頓首瀝懇堅讓空三紫泥重降莫得而碎踰月拜檢校工

部尚書魏州大都督府長史充魏口節度觀察口等口口

口口復拜口口內使以口旋下雷動五營義武六郡疲民雅

舞艾歌相與賀曰邵父杜母復出於今日則人人皆得為赤子

矣空三公寵踐將壇榮分空三朝下丕變教令載新近下皇風

普空三惠澤遐敷熙熙怡怡不嚴而理迨朞月報政特加尙

書右僕射餘如故師長南宮儀刑會府酬庸旌德賞典有光口

口口檢校司空下諱臨軒遣使與司空之命同賜空三渥澤

荐加空三恩榮特異比於羣后孰可擬倫空五今上卽位勅

空三覃恩中外下維舊土朕口居下契君臣之分加同中書門

下平章事檢校司空如故空三公位尊鼎彝寄重方隅周勃社

模之臣漢朝禮厚桓楮棟梁之口蜀國名高感孚人心口口口

口口使口口口鳥口口口修下保其安賦有常期官無橫役而

又立鄉校以勸學敦儒術而獎善完器甲以彰有備訓卒伍以

示有嚴解口迎賓分甘饗士茂綏懷之下泰下之是非不出於

口心之喜愠不形於色肅恭之貞若待嚴師信厚之誠不欺暗

室矧復地隆千乘日食萬錢而素儉之規無所增益雖下常閱

詩書吉甫之不墜文武太芬之美秀子產之博物石奮之謹厚

充國之雄敏皆不學而成得自生性亦猶張瑟于庭風至而韻

白下納萬機下乾符元年十一月廿二日遭疾薨于鎮享年六

十一傾都罷市闔境興哀孫文度之喪神仙赴弔王子敬之歿

人琴俱亡字三皇帝下郎中曹鄴太子下議大夫李景莊庫部

員外郎陳翰備鼓吹升輅車由字三宣政正衙及字三公之靈

座冊贈司徒諡曰空四明年以字我僕射關下因心之孝感應關下

公前娶夫人劉氏追封彭城郡太君文伯之妻君子為知禮孟

軻之母良史述其賢淑行無徵華年早世後娶夫人靳氏封清

河郡君空三先字公而歿下有子關下軍守左金吾衛大將軍員

外置同正員檢校尚書右僕射兼魏州大都督府長史御史大

夫上杜國賜紫金魚袋天上麒麟人間鸞鳳空三孝空三純

深關下列於貳車推誠而六郡空三修已而萬人有賴及字朝

廷聞空三公薨謝空三星使遽臨慰於苦由之前勉以金革之

事遂授空三僕射起復魏空三節度空三察留後檢關下之權空三恩

洽空三宸襟使來空三天闕碧幢照耀紅旆逶迤禮莫重於空三

字奪情榮莫大於空三緒嗣空三僕射叩空三泣血陳乞敢

忘空三移孝之關下僕射去經捧空三詔易空三從政恭臨空三舊

地敬奉空三先勳空三紹遺愛於師壇襲垂口於揆路禮

口可以肅物清儉可以律人無綺紈矜口之心口鉦鼓下關河永

傳帶礪次子記前魏州都督府文學幼子諫親事將口早奉義

方夙承空三家誨粵以明年二月廿五日卜兆於魏州莘縣修

善鄉平原口空三先塋之側啓下公懿行崇勳為世軌範苟口

紀述何慰空三孝思遂命門吏紇千潛刻石為碑以示來裔潛

伏念昔者延陵季子歿仲尼署其表曰嗚呼有吳季子之墓則

知碑者古史之流下闕銘合屬曳裾之吏潛叨蒙空三厚顧獲忝

空三初筵胡伯始之前修無慚許訓郭有道之遺烈徒感蔡邕

寧愧燕詞敢書貞礎銘曰

元聖乘運英賢膺期生為邦傑出作帝師赫赫韓氏徽猷早振

得姓于周筮仕于晉既開土宇亦佩侯印口漢承口淮陰封信

洪源茂緒派遠下克紹祖宗量寬溟漲咸定山東爰自壯年誓

志從戎鈐經政術靡有不通凌雲直幹襲物清風紫髯短下黑

口瑯弓口口挺衆口口口口狸穴下若刃自戕若火自燦太行

天井恃險設輿逆浪盡翻旄頭夜耀天子問罪楚公奉詔公實

爲副順行天討下羣校口口齊駟馳雷掃下執銳披堅屠城

擒將所向無全探鷁撲卵流血成川妖孽既平功成凱旋勳高

名顯時望赫然鷁鷁騰口蛟龍擘口口天萬里一日可上齋壇

使節下位重廊廟在尊師長化洽行人歌惠養天垂將星公

寶稟之神有兵符公實受之元兇巨猾公實定之帝口王口公

實佐之口家許國濟難匡時下晉侯言命兩楹夢奠夫子殆病

皇天匪信倚伏無定梁壞舟藏孰爲龜鏡史氏書歿禮官考行

終始哀榮下松楸已列體魄宜安西眺崇山崇山言言南臨大

河大河渾渾山河永固基業長存

右碑凡四十八行字徑九分下截斷裂爲三其右角祇存

一名字無文理可釋不知屬第幾行也韓君名字皆闕以

史証之知爲韓允忠案舊唐書云允忠魏州人舊名君雄

懿宗改賜今名咸通十一年何全皞爲軍衆所殺推允忠

爲帥時僖宗爲普王卽降詔遙領節度授允忠左散騎常

侍兼御史中丞充節度觀察留後不數月轉檢校工部尙

書魏州大都督府長史充魏博節度觀察等使累加至檢

校司空同平章事乾符元年十一月卒新唐書何進滔傳

五月遣副大使三遷檢校司空僖宗卽案碑載今上在東

宮爲普王卽宣詔遙領魏博節度使授公銀青光祿大夫

檢校闕常闕踰月拜檢校工部尙書魏州大都督府長史

允魏闕節度闕使特加尙書右僕射加同中書門下平章  
事檢校司空冊贈司徒歷官與史合惟加銀青階及贈司  
徒不書史文畧也新舊二書皆不載允忠功跡獨舊書云  
少仕軍門繼升裨校潞州之役亦與其行卽碑稱武宗四  
年潞帥死其子稹口口亟下詔書大徵師徒公獨憤勇出  
羣請借前籌是其事也碑後又載有子闕軍守左金吾衛  
大將軍員外郎置同正員檢校尙書右僕射兼魏州大都  
督府長史御史大夫上柱國賜紫金魚袋證之傳爲其子  
簡也自允忠初授戎帥僕爲節度副使乾符初累功至檢  
校工部尙書允忠卒卽起復爲節度觀察留後踰月加檢  
校右僕射與碑合而兼官與勳章未之及也又載次子記  
前魏州都督府文學幼子諫親事將闕並可爲史補遺允



忠與其父國昌碑同在華縣無人搜拓今並得之爲可喜也

趙琮墓誌銘

乾符三年五正嘗在益都縣李司馬 文藻家

唐故居士天水趙府君墓誌銘并序 將仕郎前試左武衛兵

曹參軍甲昭進 府君姓趙氏襲天水 別業易州來水縣

頃因先父遷 仕流浪海隅從軍地遠徙居青 廿迄今

凡二百年矣先妣夫人 原王氏生公是季也 府君生居

北海之郡志好雲林山水南北貿易利有攸往廣涉大川博

學古墳與朋友交言行敦美信義彰聞輕金 立善外著孝行

六親 府君諱琮字光婚夫人太原王氏有男三人長曰審巖

次曰審裕季曰審文女一人初笄之年適夫陰氏孟男年居弱

冠之秋居然老成口詳大雅合國風之堅操修行古口立信温  
尙可謂父訓有知流嗣千載矣 夫人王氏令淑賢口居口淚  
血在苦塊之內殞哽蘭干骨髓楚口口口譽聞口從之口口導  
著府君遇軍情變亂不以交道仇口生涯亦不遭毀蕪錢穀湛  
然上下無虞藜食安貼乙未歲季夏月五日遇疾青州之私弟  
下於人廿丙申年七月三日命知者卜得吉夕殯於益都縣南  
五里建德莊碑中此字旁注雲門山東壘原礼也碑中此字旁注慮山河更改  
松筠彫萃遂紀年代乃爲銘說銘曰

天水之君 蘊志難群 孝行雙美 立性松筠 卓然孤立

在廿推口 生好東臯之利 滅亾迥返高墳 有子賢行

傳代光門 女從他氏 五德猶存 白楊千載 滋茂兒

孫 落日烏啼 猿叫荒村

都口思遺念 臨棺血淚口 其一 生涯終不改 兒女永無依

其二 口口生平事留蹤 万代碑中此存 其三 嗣流孤壠下 恩

愛向誰論 其四

右碑朱朗齋從他處借錄文二十二行字徑五分文與書皆出倉父之手不載年號僅紀甲子攷丙申當是僖宗乾符三年豈值唐之末季此地為藩鎮所據人習于亂而不稟正朔至此歟世字缺筆避太宗廟諱云殞於益都者殯與葬古皆通稱非自唐始

口文耆陁羅尼經幢

光啟四年四月立正書石高一尺五寸圍三尺在青州府

舊城城隍廟

佛頂尊勝陁羅尼 經文六面不錄

文者建幢於龍興寺

下闕

噫嘻

寒松千丈

澄泉

下闕

口宣之偈

如來祕密之音

下闕

光啟四年四月十

下闕

右幢下截殘闕末面刻記文年月四行光啟為唐僖宗年  
號四年二月已改元文德而此稱光啟者于時王敬武據  
淄青等處羣雄迭相吞噬兩河阻絕宜乎新命未至鄉曲  
猶用舊號也

清河郡張夫人墓誌銘

景福元年十二月立正書方廣一尺四寸在青州府

唐故清河郡張氏夫人墓誌銘

夫樂安郡孫珣述

噫夫人姓張氏其淋慎貞素稟自生知退讓儉遜不從於訓祇

奉晨夕終始若一呼言乎不祿弃我私室蘭摧春霧蓮墜秋風  
隳影難迴逝波不返男一人高如電影未分槿花已落女二人  
長日奴哥穠花未開嚴霜暗墮次日郭兒非髮未摠繼我門嗣  
夫人年四十有三以景福元年冬十二月二十日卜兆於  
府城之南雲門之下樹邱隴而銘銘曰

日月有度兮生死無常白晝其速兮元夜何長渥水爲隣兮雲  
門是鄉千年萬祀兮春露秋霜

時景福元年歲次壬子十二月辛未朔二十日庚寅孫珣紀

右刻文十二行字徑六分夫爲妻銘僅見於此內云景福  
元年十二月二十日卜兆於府城之南雲門之下案武德  
四年於青州置總管府宜有府城之目矣乾隆癸丑間縣  
人段赤亭搜得之

濟南郡某公墓誌蓋

正書石方廣二尺在青州府城東關三義廟

右蓋中題大唐濟南郡口公誌銘三行字徑二寸四周刻  
佛像十二亦僅見也

劉府君墓誌蓋

篆書石方廣八寸五分在滋陽縣

右蓋題大唐劉府君合祔墓誌三行字徑二寸二分到府  
君志乘無攷

高唐陳公去思碑額

篆書在高唐州治

右碑文爲前明知府某磨去刻大書東昌府交界數字額  
題唐高唐州陳公去思碑九字尙存案新舊唐書地理志

高唐縣屬博州高唐之有州名疑爲藩鎮僭此土者妄易之而史失載歟此額由他處錄寄未詳尺寸

嚴義璋造象題字

無年月并側俱正書石高四尺廣二尺厚五寸在濟寧州東門內

右刻上鑄佛象一軀下刻碑記皆漫滅惟辨唐□□□□年十月等字碑側題菩薩主嚴□□菩薩主嚴義璋二行薩字从薛造象稱主洵唐蹟也

張毛顏等造象題字

無年月正書石高一尺五寸廣四尺在濟寧州西鄉安居集天仙廟

右刻大半殘缺列名多人惟張毛顏凡二見且稱爲資福

主像主遂以冠題內云上爲國王帝主下爲師僧父母非唐以後所爲也

法王院金剛經殘石

無年月正書在淄川縣法王院

右經文拓本四紙未全楷法精整極似率更惜無年代可攷濟南府志載淄川縣法王院唐時建有巨碑刻金剛經卽指此也

郭岌等造象殘石

無年月并側俱正書石方廣二尺厚九寸在濟寧州城內許氏

右刻正面磨滅僅存八九字左側字極端楷內云召匠鑿碑仍書施主之名又云戊寅重立此碑略而書記後列維



郡姓名中有口口鎮判官郭岌州正將潘晝使充任城鎮  
口使口稱任城而不稱濟州者殆唐末廢濟州入鄆州之  
時其稱州正將謂鄆州也右側有子悅等名書體與前不  
類蓋後人所刻也

孫村造象殘碑

無年月正書石高六尺廣二尺在汶上縣孫村河岸

右碑文全泐額間鐫佛象兩旁題上爲皇帝供養上爲皇  
后供養等字惟唐刻有之因附於末

濟寧隋羅尼經幢殘石

無年月正書石高五尺五寸廣一尺二寸在濟寧州東門

內壁間

右殘石幢存經文十三行大半殘闕且無年月書刻姓名

姑埏唐碑之末

韓詩外傳殘石

無年月正書石高九寸七分廣八寸八分在滋陽縣牛鈞家

右刻存九行行九字徑八分牛氏定爲唐蹟驗其筆法頗似率更牛氏又藏心經殘刻小楷書十三行亦無年月可憑竝埏記之

南記磚文

無年月篆書磚高一尺一寸廣六寸在濟寧州東門城垣右磚文南記二字徑三寸傳爲唐刻黃小松得其一以拓本寄贈遂埏錄之

淄川縣經幢

無年月正書石高一丈一尺凡八面圍九尺六寸在淄川縣

右幢經文漫滅幾盡年月莫辨據府志載淄川縣龍興普照二寺俱有唐人經幢不止一種因增唐末俟考

心經殘刻

無年月正書石高二尺九寸廣一尺六寸在淄川縣

右刻存十四行字徑一寸雖無年月可攷玩其書體洵唐刻也